

N A C R T

Na osnovu člana 6. Zakona o komunalnim djelatnostima („Službene novine Zeničko-dobojskog kantona“, broj 17/08), člana 311. Zakona o privrednim društvima („Službene novine Federacije Bosne i Hercegovine“, broj 23/99, 45/00, 2/02, 6/02, 29/03, 68/05 i 84/08) i člana 25. Statuta općine Zavidovići («Službeni glasnik općine Zavidovići», broj 5/08 i 5a/08), Općinsko vijeće Zavidovići na 9.sjednici od 28. i 29.04.2009. godine, donijelo je

O D L U K U

o izmjeni Odluke o usklađivanju statusa Javnog komunalnog preduzeća „Radnik“ Zavidovići sa Zakonom o privrednim društvima i Zakonom o javnim preduzećima

Član 1.

U Odluci o o usklađivanju statusa Javnog komunalnog preduzeća „Radnik“ Zavidovići sa Zakonom o privrednim društvima i Zakonom o javnim preduzećima („Službeni glasnik općine Zavidovići“, broj 6/06 i 10/06), u članu 11. u stavu 1. iza riječi: „preduzeća“, stavlja se tačka, a preostali dio teksta, briše se.

Član 2.

Iza člana 11. dodaje se novi član 11a, koji glasi:

„Član 11a.

Skupštinu preduzeća čine:

- pomoćnik načelnika u Službi za upravu ekonomskih poslova i poduzetništvo,
- pomoćnik načelnika u Službi za upravu društvenih djelatnosti i opću upravu,
- pomoćnik načelnika u Službi za upravu geodetskih, imovinsko-pravnih poslova i urbanizma,
- pomoćnik načelnika u Službi za upravu pitanja boraca, raseljenih lica i izbjeglica,
- pomoćnik načelnika u Službi za upravu civilne zaštite.

Član 3.

Ova odluka stupa na snagu prvog narednog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

Broj: 01-05-5866/08
Dana: 29.04.2009. godine

PREDSJEDAVAJUĆI
OPĆINSKOG VIJEĆA

ing. Radosav Petrović

O B R A Z L O Ź E N J E

PRAVNI OSNOV ZA DONOŠENJE ODLUKE

Pravni osnov za donošenje odluke sadržan je u članu 6. Zakona o komunalnim djelatnostima („Službene novine Zeničko-dobojskog kantona“, broj 17/08), po kojem: „općine obezbjeđuju obavljanje komunalnih djelatnosti određenim ovim zakonom“, te članu 311. Zakona o privrednim društvima u kojem je propisano da je osnivački akt odluka o osnivanju, kada društvo osniva samo jedan osnivač.

RAZLOZI ZA DONOŠENJE ODLUKE

Zakonom o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj 70/08), propisano je da: „članstvo u upravnom odboru, nadzornom odboru, skupštini, upravi ili menadžmentu ili u svojstvu ovlaštene osobe u javnom preduzeću nespojivo je s javnim funkcijama izabranog dužnosnika, nositelja izvršne funkcije ili savjetnika“.

Općinsko vijeće Zavidovići donijelo je Odluku o usklađivanju statusa Javnog komunalnog preduzeća „Radnik“ Zavidovići, sa Zakonom o privrednim društvima i Zakonom o javnim preduzećima („Službeni glasnik općine Zavidovići“, broj 6/06 i 10/06). Tom odlukom je regulisano da: „preduzećem upravlja osnivač preko skupštine preduzeća koju čini općinski načelnik“.

Odredbom člana 14. Zakona o sukobu interesaa u organima vlasti u Federaciji Bosne i Hercegovine je propisano da Centralna izborna komisija daje mišljenje da li postoji kršenje odredaba člana 4. Zakona o sukobu interesa u organima vlasti u Federaciji Bosne i Hercegovine.

Zatraženo je mišljenje od Centralne izborne komisije. Centralna izborna komisija mišljenjem broj 05-2-07-8-4183/08 od 13.01.2009.godine je konstatovala da je: „obavljanje funkcije općinskog načelnika sa istovremenim obavljanjem funkcije skupštine javnog preduzeća dovodi do povrede odredaba Zakona o sukobu interesa u organima vlasti u Federaciji Bosne i Hercegovine“.

Zato je trebalo pristupiti izmjeni odluke Općinskog vijeća i usaglasiti je sa Zakonom o sukobu interesa u organima vlasti u Federaciji Bosne i Hercegovine.

POJAŠNJENJE ODREDBI KOJE SE MIJENJAJU

Član 1.

U tom članu brisane su riječi da funkciju skupštine obavlja općinski načelnik.

Član 2.

Obzirom da je skupština javnog preduzeća organ preduzeća, u smislu člana 5. Zakona o javnim preduzećima u Federaciji Bosne i Hercegovine („Službene novine Federacije Bosne i Hercegovine“, broj 8/05), to je ovom Odlukom potrebno regulisati ko čini skupštinu javnog preduzeća.

Skupštinu čine rukovodeći državni službenici koji su pomoćnici načelnika i oni ne dovode do povrede odredaba Zakona o sukobu interesa u organima vlasti u Federaciji Bosne i Hercegovine.

Član 3.

Određeno je vrijeme stupanja na snagu ove odluke.

ODREDBE KOJE SE MIJENJAJU

Član 11. stav 1.

„Preduzećem upravlja osnivač preko skupštine preduzeća koju čini općinski načelnik“.

OPĆINSKI NAČELNIK

Hakija Osmić, dipl.ecc., s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKI NAČELNIK -

PRIJEDLOG

Broj: 02-05-5866/08
Datum, 03.04.2009. godine

OBRAĐIVAČ:
Kabinet Općinskog načelnika

PREDLAGAČ:
Općinski načelnik Zavidovići

ODLUKA

o izmjeni Odluke o usklađivanju statusa Javnog komunalnog preduzeća „Radnik“ Zavidovići sa Zakonom o privrednim društvima i Zakonom o javnim preduzećima

Zavidovići, aprila 2009. godine